



Ana namsalile ya sambu syekulungwa?

Ngani jikupitila kwa Abu Bakrat-Mlungu asangalasiawe nawo-wawawechete kuti: Mtume jwa Mlungu-ghanasa ni utendele wa Mlungu iwe pa jwelejo-watite kuti: "Ana namsalile ya sambu syekulungwa?" wawechete mwakuwilisya katatu, ni wakulijiganya wa Mtume watite: ee mtusalile mwe Mtume jwa Mlungu, ni Mtume wawechete kuti: "kumphwatikanya Mlungu ni ikachindu ine, kunyosya achinangolo wawili" ni Mtume watemi pasi mwakusamilisya mgongo wakwe chindu chine chakwe, ni wawechete kuti: "ni kuwichila umboni wa unami", ni wawechete kuti: Mtume waji ali mkuwecheta malowe gelega mwakuwilisya mpaka uwe twawechete kuti: basi mtume akaleche kuwecheta yakuwilisya wilisyayi".

[صحيح] [متفق عليه]

Mtume -ghanasa ni utendele wa Mlungu iwe pa jwelejo-wasalilaga wakulijiganya wakwe ya sambu syekulungwa mnope, ni wakolasile sambu sitatusi: 1. Kumphwatikanya Mlungu ni ikandu ine: kwakuli kamula masengo galigose gambone pakusaka kumsangalasya jumkanawa Mlungu, nikuilandanya yamkaniyiwa Mlungu ni Mlungu pa ujikape wakwe wakupopeledwa, mu itendo yakwe, mu mena gakwe nambo soni mbili syakwe. 2. Kunyosya achinangolo wawili: kwele nikutenda chindu chilichose chakwapa nacho ilagasyo achinangolo wawili, kanga malowe kapena chitendo, nikuleka kwatendela yambone achinangolowo. 3. Kuwecheta malowe ga unami, mkati mwakwe mwana kuwichila umboni wa unami: gele ni malowe galigose gagambakulinganya gaunami gakuwasa ni chakulinga chakumtenda kuwa jwakunyosekwa mundu jwakumlambuchisyajo pakusaka kumjigalila ipanje yakwe kapena kusaka kumnyosya ya uchimbichimbi wakwe ni ine yakulekangana lekangana. Mtume -ghanasa ni utendele wa Mlungu iwe pa jwelejo-wawilise pakulekasya ya mteto wakuwecheta ya unami pakusaka kwagumbalisya wandu wakunyalaya kwa mteto welewu nambo soni ligongo lya yakuichisya yakusakala yaikusawaga mu dela jakutama wandu, mpaka wakulijiganya wa Mtume wawechete kuti: basi Mtume akatame ji aleche kuwechetako; pakumtendela ghanasa Mtumejo kuti wawilise kakwanila yakulekasya unamiyo, ni kunyalaisidwa kuti yele imsungusye Mtume ya ndamo jeleji.

النجاة الخيرية
ALNAJAT CHARITY

